

GAA-GII MAANZHIDOODAWINDWAA GE-IZHI-WIJI'AAGANIWIWAAPAN OMAA KANADA AKIING.

OZHIBII'IGAAGE GAA-INISHKAAGOD GAA-GII-MAANZHIDOODAWIND

Wegonen iwe Gaa-inishkaagod awe gaa-gii-maanzhidoowind Ozhibii'igan?

Iwe Gaa-Ozhibii'igaadeg Gaa-inishkaagod awe gaa-gii-maanzhidoowind dibaajimoomagan aaniin mayaa gaa-izhi-maanzhidoowind awe e-gii-gagwaadagendang gemaa gii-wanitoow odaya'iiman gemaa gii-wanitoow minik ge-gii-gashki'aapan zhooniyaan anokiid. Amii owe ge-ganawaabandang dibaakonige-ogimaa apii dibaakonaad ini gaa-gii-maanzhichigenid.

Gii-ozhichigaadeg owe dinookaan ozhibii'igan amii ezhi-gashkitood awe gaa-gii-maanzhidoowind gewiin ji-dibaajimod imaa dibaakonigewigamigong aaniin mayaa gaa-izhi-maanzhidoowind.

Gaa-maanzhidoowind Debwe!

Iwe Inaakonigewin Ge-wiji'igowaad Gaa-gii-maanzhidoowindwaa Omaa Kanada akiing (Canadian Victims Bill of Rights) gaa-ijigaadeg gii-ozhichigaade Miskominigiizis 23, 2015 gii-izhiseg. Owe inaakonigewin izhi-miinaa endaso-gaa-gii-maanzhidoowind ji-ozhitoow Ozhibii'igan Gaa-inishkaagod iwe gaa-gii-maanzhidoowind, dibaakonigewigamigong dash ji-aginjigaadenig ji-aabajichigaadeg iwe apii dibaakonaaganiwid awe gaa-gii-maanzhidoowind. Amii iwe ezhi-gashkitood awe gaa-gii-maanzhidoowind ji-izhichigenid gewiin.

Awenen Ge-ozhitoowan owe Ozhibii'igan Gaa-dibaajimoomagak Aaniin Gaa-inishkaagod awe Gaa-gii- maanzhidoowind?

Awenen igo gaa-gii-miigaanaaganiwid gemaa gaa-gii-gagwaadagi'igod awiyan, gemaa odaya'iiman gaa-biigwa'igaadenigin gemaa gaa-wani'aad zhooniyaan ozaam e-gii-anokiisig omaanzhidoowindagawining onji, o-daa-ozhitoowan owe dino ozhibii'igan. Daa-dibaajimo aaniin gaa-izhised gemaa aaniin gaa-izhisenid godag awiyan gaa-gii-maanzhidoowind.

Bizaanigo awiya o-daa-ozhitamawaan ini gaa-gii-maanzhidoowind iwe Ozhibii'igaade Gaa-dibaajimoomagak Aaniin Gaa-inishkaagod awe gaa-gii-maanzhidoowind, daabishkoo oniigi'igomaa, gemaa awiya gaa-naagaji'iwed gemaa wiidigemaagan gemaa onijaanisimaa gemaa inawemaagan giishpin gashkitoosig ji-ozhibii'iged awedi gaa-gii-maanzhidoowind.

Bizaanigo na O-daa-agindaan Odoozhibii'igan Ji-noondawind?

Giishpin inendang awe gaa-gii-maanzhidoowind ji-agindang odoozhibii'igan dibaakonigewigamigong, bizaanigo da-izhise. Bizaanigo gaye daa-bagidinaaganiwi ji-michi-mazinaateshing.

Bizaanigo daa-gagwedwe ji-agindang odoozhibii'igan :

- bekish besho imaa ayaad gaa-inanokiid ji-wijigaabawid



Enendaagozid
ji-ayaad
wiindamaagewin



Enendaagozid
ji-ganawenimind



Enendaagozid
ji-dagwiid



Enendaagozid ji-gagwe-
debinaman ji-giwe-diba'
amaagooyin gaa-gii-wanitooyin



Enendaagozid
ji-maanaabandaman



Government
of Canada

Gouvernement
du Canada

Canada

- bekish gibiiginigaadeg ezhi-niibawid ji-waabamaaganiwisig
- agwajiing dibaakonigewigamigong ji-michi-waabamind dash gaa-mazinaatesenig gaawiin dash memwaach ji-waabamaad gaa-gii-doodaagod

Wegonen Ge-dagobii'igaadegiban imaa Gaa-Ozhibii'igaadeg Gaa-dibaajimomagak Aaniin Gaa-inishkaagod awe gaa-gii-maanzhidoowind?

Iwe Gaa-Ozhibii'igaadeg Gaa-dibaajimomagak Aaniin Gaa-inishkaagod awe gaa-gii-maanzhidoowind mooshkinebii'iganing daa-izhi-ozhibii'igaade. Gakina akiinsing ayaamaganoon ini mooshkinebii'iganan. Imaa dash daa-dibaajimo aaniin mayaa gaa-gii-izhi-maanishkaagod iwe maanzhidoodaagoowin, e-gosaad ini gaa-gii-maanzhichigenid, ji-miigaanigod gemaa odinawemaagana' ji-miigaanimind. Maagizhaa gaye mazinibii'igan gemaa ozhibii'igan bakaan dinookaan daa-aabadan.

Bizaanigo o-daa-biidoon mazinaakizon wiin e-mazinaakizod awe gaa-gii-maanzhidoowind ji-waabanjigaadeg aaniin gaa-izhinaagozid jibwaa-maanzhidoowind. Debinaak gaawiin wanishkwechigemagazinog.

Aaniin Gaa-gii-maanzhidoowind Gaa-gii-inishkaagod Mazina'igan ge-izhi-bagidinigaadegiban?

Bizaanigo gaye daa-waabanda'iwe mazinaakizon gaa-gii-izhinaagozid awe gaa-gii-maanzhidoowind jibwaa-maanzhidoowind, ji-gikendaagwak aaniin gaa-izhinaagozid iwe apii. Giishpin eta ozaami-maanzhidoodaagosig awe gaa-gii-maanzhidoodaaged da-bagidinigaade owe ji-waabanda'iweg mazinaakizon.

Jibwaa-dibaakoniwed dibaakonige-ogimaa, daa-gagwejimaaganiwi awe gaa-gii-maanzhidoowind giishpin gaa-ozhitoogwen iinzan iwe Ozhibii'igan Gaa-dibaajimomagak Aaniin Gaa-inishkaagod iwe gaa-gii-maanzhidoowind. Giishpin mashi gaa-ozhitoosig, daa-gibitiniwe dibaakonige-ogimaa bizaanigo ji-ozhichigaade iwe mazina'igan.

Gaa-gii-maanzhidoodaaged gemaa odibaakonigewininiiman daa-miinaaganiwi iwe mazina'igan bizaanigo dash o-daa-gagwejimaawaan ini gaa-gii-ozhibii'amonid.

Ganage Ini Ozhibii'iganan Gaa-dibaajimomagak Aaniin Gaa-inishkaagemagak iwe Maanzhidoowind daa-aabajichigaadeg godak dibaakonigewigamigong?

Giishpin awe gaa-anaamenimiind e-gii-maanzhidoodaaged inind gaawiin gwayak gii-inendanzii gii-izhichiged iwe, egiiwashkwed, bakaan da-izhitamawaa. Iwe Maanzhidoowind Mazina'igan ikidoomagan ji-aginjigaadeg iwe Ozhibii'igan Gaa-dibaajimomagak Aaniin Gaa-inishkaagemagak Maanzhidoowind. Bizaanigo o-daa-agindaanaawaan odoozhibii'iganiwaan imaa apii. Bizaanigo o-daa-aabajitoon iwe mooshkinebii'igan gaa-ayaag imaa Maanzhidoowind Mazina'iganing.

Igi gaa-gii-nisimind odinawemaaganiwaan o-daa-ozhitoonaawaa bakaan miinawaa dinookaan Ozhibii'igan Gaa-dibaajimomagak Aaniin Gaa-inishkaagemagak Maanzhidoowind. Daa-andooshkigaade owe giishpin andawendang awedi gaa-gii-nishiwed nawach ajina ji-gibaako'ond gibaakowidiwigamigong jibwaa-debinang iwe parole gaa-izhinikaadeg imaa 745 gaa-izhibii'igaadeg Maanzhidoowind Mazina'iganing. Ikidoomagan iwe Maanzhidoowind Mazina'igan ji-bizindawindwaa igiwe inawemaaganag gaa-gii-nisimind odinawemaaganiwaan. O-daa-agindaanaawaan odoozhibii'iganiwaan.

Bizaanigo gaye o-daa-agindaanaawaan odoozhibii'iganiwaan imaa Parole Board of Canada gii-noondawaawaad ini gaa-gii-maanzhidoodaagenid gii-andawendang ji-bagidinind. Gagwe-gikendan aaniin ge-izhi-giigidowamban apii Parole Board wii-maawaji'idiwaad omaa maagoninganing Canada.ca/victims.

.....

Giiyaabi na Ayaamagan Wiindamaagewin?

Giishpin giin gemaa awiya gaa-gikenimad gaa-gii-maanzhidoowind, gi-daa-wiiji'igoo. Gakina akiinsiwan wiiji'iwewag. Gi-daa-wiiji'igoog ji-mikaman wiindamaagewin gemaa bakaan dinookaan wiiji'iwewin. Iwe Victim Services Directory gaa-izhinikaadeg wiiji'iwewin gi-daa-wiiji'igoog ji-mikaman awenen ge-wiiji'ikopan.

<http://www.justice.gc.ca/eng/cj-jp/victims-victimes/vsd-rsv/index.html>

.....

© Gichi-Ogimaakwe gaa-ganootamaagod Gichi-ogimaan
Gaa-niigaanishkang Dibaakoniwewin gaye Gichi-Dibaakoniwe-
ogimaa Kaanada Akiing, 2019

ISBN 978-0-660-30604-9
Cat. No. J2-412/4-2015Roj-PDF